



Vita de ploania y de paisc

- **Sontada dal Consei pastoral en jöbia ai 30 d'agost, ales 20:00:** festa dai iubilars, tó sö n assistent pastoral, dörteré i tec dai ciampanins da Pliscia y da Curt



enformaziuns y termins

Preparaziun al Bato: l'Uniun dles Eres Catoliches dal decanat envieia düc i geniturs co á na creatöra da bacé, pers co aspeta, toc y totes, ala preparaziun dal Bato en **sabeda ai 8 de setember** dales 15:00 ales 17:00, tal salf dles Uniuns a La Val. Prenotaziuns, ☎ 328 0717796.

Edema dai Jogn 2018: le Grup Decanal adöm a düc i grups dai jogn dla valada á l'onur da podei Ves envié al Edema dai jogn 2018 con cösc program:

- **lönesc, 27.8 ales 20:00:** santa messa de daurida sö Oies; organisaziun: grup di jogn da Badia
- **dedolönesc, 28.8 ales 19:30:** torneo da chidlé y batadú a Al Plan, chidlara Roncac; organisaziun: grups dai jogn da Al Plan, La Pli y Rina
- **dedemesaledema, 29.8 ales 19:30:** curs de pröm aiüt a La Ila - Zenter dla Joneza SaJ.un; organisaziun: grup dai jogn da La Ila
- **jöbia, 30.8 ales 20:00:** referat tal local dai jogn da San Ciascian "Odei le monn con i edli d'en volontar - Laura y Verena nes cunta de söes esperionzes t'l'Africa"; organisaziun: grup dai jogn da San Ciascian
- **vendres, 31.8 ales 20:00:** fú da ciamp ete dal le dai peiapesc a Lungiarü; organisaziun: grups dai jogn da La Val y Lungiarü
- **sabeda, 1.9 ales 20:00** a Badia: Summerend Concert
- **sabeda, 1.9 ales 20:00** tla dljia da San Martin: concert dal cor dai jogn ProVoxis
- **domegna, 2.9 ales 04:45** sö a Pé de Börz: jí sön "Maurerberg" a ciaré le loé dal soredl. Organisaziun: grups dai jogn da Colfosch y Antermeia.

Curs - „I á calmé jö y archité ia mia anima“ (Salm 131,2): ai 6, 7 y 8 de november él a Oies n curs de introduziun a na vedla forma d'oraziun cristiana dal "perié tal chit" (www.ruhegebet.de). Le curs döra encer 3 ores al de, referent é pater Cyrill Greiter OCist, ploan de Untermais/Maran. Por ciagé deplü enformaziuns y por iscriziuns telefonede cina ai 31 d'agost a ☎ 338 1300787 (Renate P.)

**Soredl sa bun, la plöia renfrescheia, l'ont dá forza, la nei porta ligreza.
Le tomp n'é nia bort, al é ma deplü sorts de bel.**

John Ruskin

Döt le bun a: Filippo Iaco Rubatscher * 28.08.1935
Gustl Ellemunter, *Bornech* * 29.08.1943
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann B

26.08.2018 - 21. domegna ia por l'ann

n. 39

Töes parores, Signur, é spirit y vita; tö as parores de vita eterna. Alleluia.

📖 **Ios 24, 1–2a.15–17.18b | Ef 5, 21–32 | Jan 6, 60–69**

Dal Vangelo do San Jan:

Te chel tomp ⁶⁰n'él trec dai discepu de Gejú co ti ascutâ pro, co dijea: Cöstes é parores döres. Chê é pa bogn da les capí? ⁶¹Gejú conescea che sü discepu i groforâ porsora, y i á damané: Se scandaliseise por cösc? ⁶²Ci dijareise pa, canch'i odareis le Fi dal Om jenn sö, olach'al ea denant? ⁶³Le Spirit él co fej vi; la cern ne joa a nia. Les parores ch'i ves á dit é spirit y vita. ⁶⁴Mo al n'é danter os n valgügn co ne crei nia. Gejú sâ pordert belo dal scomenciamont, che ch'al ea co ne cherdea nia, y che co l'ess imbaní. ⁶⁵Y al á dit: Porchel ves á dit a os: Degügn ne sciafia da gní da me, sc'al ne ti é nia dé dal Pere. ⁶⁶Sön chera s'á trec discepu retrat y ne jea nia plü encerch con el. ⁶⁷Danló á Gejú damané i dodesc: Oreise ince os s'an jí? ⁶⁸Sciomun Pire ti á rospognü: Signur, da chê désson pa jí? Tö as parores de vita eterna. ⁶⁹Y nos cherdun y conesciun: Tö es le Sant de Dio.

Oraziun dal de

*Periun! Dio, nosc Signur, tö unescs
düc chi co crei en te tla medema bona
orenté: fa ch'i chiriunse ci che tö
comanes y ch'i se dejidrunse ci che t'as
empormetü, por ch'i savunse, tla
malsigurté de cösta vita, da orienté nüsc
cörs tal vers, olach'al é la derta ligreza.
Do cösc te periunse por nosc Signur
Gejú Crist, to Fi, co é Dio y vir y regneia
con te t'unité dal Spirit Sant por düc i
secui dai secui. – Amen.*

(Lezionar B)



📖 **Letöres dla 22. domegna ia por l'ann:**

Deut 4, 1–2.6–8 | Iaco 1, 17–18.21b–22.27 | Mc 7, 1–8.14–15.21–23

Edema liturgica dai 26.08. ai 02.09.2018

DOM 26. 08:30	21. domegna ia por l'ann <i>Gregor, Teresa, Alexander</i> gran messa por döta la ploania y benedisciun dal tomp <i>oferta por i debojügn's dla ploania</i>
→ 12:00 10 y 18	sön Fojedöra s.m. de ringraziamont en onú de Sant'Antone, San Bostian, San Salvester y San Linert <i>♫ Böhmische d'La Pli s.m. a Al Plan</i>
Lön 27. 07:30	<i>Monica, Gebhard</i> s.m. a Al Plan
Ded 28. 07:30	<i>Agostin, Elmar, Adelinde, Linda</i> s.m. por † Elena Fiung Prada, San Martin s.m. por † Maria Fiung Rives, San Martin
Dem 29. 18:00	<i>Decapitaziun de San Jan, Sabina, Beatrix, Candida</i> s.m. a Al Plan
Jöb 30. 19:30	<i>Heribert, Ingeborg, Rebeca</i> s.m. de rengraziamont en onú de Santa Maria por fam. Jan Paul y Patrizia Ritsch s.m. por † Jep Konrater, Biei s.m. por † Maria Rubatscher ved. Crazzolara, La Sala
Ven 31. 07:10	<i>Ujöp d'Arimatea y Nicodemus, Raimund</i> s.m. a Al Plan
Sab 01. 07:30 18:00	<i>Sabeda de Santa Maria, Verena, Rut</i> De dla Creaziun s.m. en onú dal Spirit Sant s.m. por † Maria Ellecosta ved. Erardi, Longega <i>s.m. prefestia a Al Plan</i>
DOM 02. 08:30 10 y 18	22. domegna ia por l'ann dai Angeli Custodi <i>Ingrid, Zeno</i> gran messa por döta la ploania, devoziun a Santa Maria y benedisciun dal tomp <i>oferta por i debojügn's dla ploania</i> s.m. a Al Plan
ampola:	por † Jep Rovara, Plans
ministronc:	▶ da doman y domegna: Sabine Trebo y Natalie Comploi ▶ da sera y domegna: Jan y Maria Burchia
i recordun:	Jep Baldissera + 27.08.2011 Annamaria Astner, <i>Niederdorf</i> + 31.08.2014 Angela Rosina Pedevilla Michielli, <i>Cortina</i> + 01.09.2011



Ci profesciun de fede! (Jan 6, 60–69)

I ponsi do

Gejú se lascia la liberté da ti jí do o ince nia. Mo sc'i jun do a d'el, danló ôl ch'i le fajunse con convinziun. Gejú ne bazila nia da dí ci ch'al mess dí y da fá ci ch'al mess fá, ince sc'al ven criticché.

La resposta de Pire é plena de verité y d'afet. Al á capí che zonza Gejú n'á sôa vita degüna valüta. Ci profesciun de fede!

I preii ensciö

Tö ne te temes nia da romagne su, caro Gejú, y gnanca che töa misciun tomi t'ega. Te nes cherdes a tó la dezijiun, da ci pert ch'i orun sté. Te nosta vita rounse entrês endô dan da na encrujada olá che i messun tó la dezijiun sce jí do ala strada co porta a te o por chera co nes condüj dalunc da te.

I ne te empometun nia, i sán ch'i sun debli y pisimusc. Mo i te periu che te nes dáí na man te nostes dificoltés y malsüghertés: n s'la rí co nes fej coraji, na vidlada co nes deida dí desco Pire: "Signur, i pó ma te cherí fora té, deache i sa che tö es en der compagn!"

Walter Cazzaniga, Parola amica – Il Vangelo della domenica per ragazzi



1 de setember "De dla creaziun"

Von Gottes Schöpfung lernen

Von der Sonne lerne, zu wärmen,
von den Wolken lerne, leicht zu schweben.
Vom Wind lerne, Anstöße zu geben,
von den Vögeln lerne, Höhe zu gewinnen,
von den Bäumen lerne, standhaft zu sein.
Von den Blumen lerne das Leuchten,
von den Steinen das Bleiben,
von den Büschen im Frühling Erneuerung.
Von den Blättern im Herbst lerne
das Fallenlassen und Loslassen,
vom Sturm lerne die Leidenschaft.
Vom Regen lerne, dich zu verströmen,
von der Erde, mütterlich zu sein,
vom Mond, dich zu verändern,
von den Sternen lerne:
du bist nur einer von vielen!
Nimm dich nicht zu wichtig.
Und von den Jahreszeiten lerne,
dass das Leben immer von neuem
beginnt.

Ute Latendorf

